

die Leber von der Hennen / vnd die Lemonten /  
oder was es sey / Reibe oder stosse es durch ein-  
ander wie ein muß / vnd treibe es mit der Sup-  
pen durch / geus es wieder an die Henne / würke  
sie mit Ingwer / Pfeffer / vnd Saffran / so sind  
sie recht vnd gut / Wil man sie aber besser haben /  
so thue Zimmet / Zucker vnd kleine Rosinlein  
darzu.

### Hünner oder Kapannen in einer Polni- schen Brüe zu machen.

**S**che die Henne in einer Rindfleischsup-  
pen / oder in Wein / vnd schele ein gut theil  
Zwibeln vnd seude sie bey der Hennen /  
treibe sie darnach mit der Suppen / vnd einer ge-  
beheten Semmel durch ein härtn tuch / oder sieb-  
lein / vnd geus sie wieder an die Henne. Würke  
sie den mit Ingwer / Pfeffer / geriebnen Musca-  
ten / vnd Saffran / so ist es recht vnd gut.

E iij

Einen